

# Coiro pënëntërinso'

Israiro'sa sëquërë'  
quëran parisitopiso'

**1** <sup>1</sup> Caso Coiroco. Tatahuëso', Pitoiro itopi. Iporaso' Siniro hua'narëso pochin anitotërinco'so', ninshitaran-quëma'.

<sup>2</sup> Cota huëntonquë mashoyan-quëma ya'huëramasopita, ya'ipi ina huëntonquë ya'huëramasopitanta', noya natanco sha'huichinquëma': ¡Tëhuëenchachin co onporonta ni'namasohuë' ni'sarama'! Shimashonëmapitanta ya'huëapona', ¡tëhuëenchachin co onporonta ina pochin ni'chinpihuë'!

<sup>3</sup> Ipora ni'saramaso', canpitanta hui'namapita sha'huitoco'. Inapitanta', hui'ninapita sha'hui-china'. Shiparimapita piquëran hua-huatopisonta', sha'huichina'.

<sup>4</sup> Ya'huërëhuaso no'paquë sëquërë' huë'sahuaton, ya'ipi cosharo pë'yatërinpoa'. Nisha nisha nipisopitari niya-huërëton huëcatona', napotërinënpoa'.

<sup>5</sup> No'pirahuëtëinquëma', ¡huën-sëco huachi! Huino pa'yatëramasopita, sëta-toma na'nëco'. Oparoro'sa sëquërëri pë'yarin ni'ton, co huachi huino nicacaiso ya'huërinhuë'.

<sup>6</sup> Sëquërëro'saso' chiniquën sontaro'sa huënton pochin nicataona', ya'huërëhuaso no'paquë ya'conpi.

Ya'ipi yanquërahuatona', naramëro'sa pë'yarin.

Pa'pini' natëquën quëran mápinën pë'yarinso pochin nipi.

<sup>7</sup> Ya'ipi oparonënpoapita pë'yapi. Ya'ipi iquiraro'santa pë'yapi. Sha'huëtën quëran huarë' capatona', ironantërin.

Së'painpitanta', huirinantaquë huarë' a'porin.

<sup>8</sup> Nasha so'yahuan so'in chimin-pachina, co napion ancantaton, na'nërin.

<sup>9</sup> Inapochachin corto hua'ano-santa na'nëpi. Co huachi Yosë marë' tëranta cosharo', huino, inapita quëpi-huë' ni'ton, napopi.

<sup>10</sup> Imino'saquë capa cosharo huachi.

Nichimiyantohuachinara sëtopiso pochin no'panta', tana-huantárin.

Triconata capa ninin.

Oparoro'sa', oriporo'sa', inapitanta yanirin.

<sup>11</sup> Imin camayonquëma', sha'tëramasopita tapitërinëinquëma'. Trico, sipata, inapita sha'piramahuë', co huachi nitërinso' masaramahuë'.

- Napoaton co napion ancanta-  
toma', na'néco'.
- <sup>12</sup> Oparoro'sa', iquiraro'sa',  
cranata huayoro'sa',  
inapitanta yanipi.  
Mansanaro'sa', palmeraro'sa',  
nisha nisha nararo'sa nipsisopita,  
yanirin.  
¡Inapoatëhua Cota huëntonquë  
ya'huërëhuasopitaso',  
co napion cancantacaso  
ya'huërin!
- <sup>13</sup> Corto hua'ano'sanquëma':  
Canpitaso' Sinioro artaronënquë  
sacatërama'.  
Yosënënpoa chinotërëhuaso  
pëiquë,  
co huachi Sinioro marë'  
cosharo', huino, inapita  
quëpihuë'.  
Napoaton sëtonëmaquë sa'catën  
a'mosahuatoma',  
ya'ipi tashi na'néco'.
- <sup>14</sup> Ya'ipi Cota huëntonquë piyapi'sa  
ayontonahuatoma',  
ayono nicacaiso camaico'.  
Sinironënpoa chinotërëhuaso  
pëiquë  
ya'ipi ansiano'santa', niyon-  
toina'.  
Niyontonahuatona', cata-  
huainpoaso marë' Sinioro  
nonchina'.
- <sup>15</sup> Ana'intacaso tahuëri nani nani-  
riarin.  
Ina tahuëri nanihuachin,  
¡ma'huántacha nisarëhua  
paya!  
Naporó' Sinioroso' ata'huatarin-  
poa'.  
Ya'ipi nanitapaton inapota-  
rinpoa huachi.
- <sup>16</sup> Canpoara ya'piranpoa quëran  
chachin

sharo'sa osërëtërinënpoaso'  
ni'nëhua'.

- Napoaton co huachi Sinioro  
pëinënquë capa cancantërë-  
huahuë'.
- <sup>17</sup> No'pa' taparopiquë ya'pirin  
sha'pirinahuë',  
co o'naninhuë' ni'ton, inaquë-  
ranchin chiminin.  
Napoaton co huachi trico maca-  
caso ya'huëaponhuë'.  
Cosharo tapacaiso pëiro'santa',  
capanantësáchin quëpari-  
tërin.
- <sup>18</sup> Pë'tahuaro'santa tanatona',  
yamorotona', noncarorápi.  
Ohuacaro'sa pasto yon'pirina-  
huë', co quënanpihuë'.  
Ohuica huëntono'santa', tana-  
tona', yamorotona', taqui-  
rapi.
- <sup>19</sup> Inapoatoi Sinioro nontarain-  
quën.  
Inotëroquë pastoro'sa ya'huë-  
rinso',  
pëni ahuiquitëra'piarin.  
Ya'ipi nararo'santa ya'huërinso  
napotërin.
- <sup>20</sup> Tanan ma'sharo'sa quëran  
huarë' noncarotona',  
nontatë pochin nitarinënquën.  
I'shanaro'sa yanira'piapi,  
pastoro'sa ya'huërinquënta',  
pëni ahuiquitërantararin.  
Napoaton inahuanta napopi.

### Ana'intacaso tahuëri

- 2** <sup>1</sup> Quirosarin ninanoso', Sini-  
rori huayonin.  
Inaquë pëinën ya'huëcaso marë'  
huayonin.  
Inaquë niyátainpichin ya'huë-  
caiso marë' a'paito sontaro'-  
sari,

tronpita pihuitona huëhuëpiro  
 huë'sarinso sha'huiina'.  
 Ina natanpisopitanta', chiníquën  
 “yai,” ta'tona  
 naporinso a'napita israiro'sa  
 sha'huichina'.  
 Co hua'quiya quëranhuë Sinioro  
 ana'intiinpoaso tahuëri  
 naniarin.  
 Napoaton ya'ipi Cota huën-  
 tonquë ya'huëpisopita  
 pa'yanatona ropachina'.  
<sup>2</sup> Ina tahuëri nanihuachin huë-  
 huëpiro tashinantápon.  
 Chitorori pi'iro'të i'copito-  
 huachina tashinantërinso  
 pochin nisarin.  
 Panca sontaro'sa huënton chiní-  
 quëno'saráchin huë'sapi.  
 Motopiro'sataquëchin pantërë-  
 rahuatona huë'sapi.  
 Tahuëririahuachina a'pininso  
 pochin niriapi.  
 Iráca quëran huarë' co insonta  
 ina pochin ni'chininhuë'.  
 A'na tahuërinta co huachi ina  
 pochin ni'sapihuë'.  
<sup>3</sup> Ina sontaro'saso', pën a'naroá-  
 chin ma'sha ahuiquitërinso  
 pochin  
 ya'ipi quënanpiso' pë'yarapi.  
 Co'huara na'huëyátërasoihuë',  
 nani ma'sha huiquitëran-  
 tarin.  
 Nani na'huëpi piquëraonta', pën  
 co sanoarinhuë'.  
 Co'huara inapita canquiátëra-  
 soihuë',  
 isoro'paso noyápiachin nararo  
 pochin nipirinhuë'.  
 Inapita na'huëhuachina, topinan  
 i'huananárin patapi.  
 Co ma'shari tëranta cha'ëtapon-  
 huë'.

<sup>4</sup> Ina sontaro'saso', cahuarioro'sa  
 pochin ya'nopona'.  
 Cahuarioquë pa'napi sontaro  
 pochin chiníquën ta'apona'.  
<sup>5</sup> Motopiro'saquë niitona yanpon  
 topachina', chiníquën  
 tënëntapona'.  
 Quira toronano'sa ta'ahua-  
 chinara huanërentërinso  
 pochin nisapi.  
 Nara yanimë huëyahuachina,  
 tënëntërinso pochin nipona'.  
 Chiníquën sontaro'sa huënton  
 niahuëcaiso marë' noyá niaco-  
 piso pochin nisapi.  
<sup>6</sup> Canquirapiso nicatona', ya'huë-  
 huano'saso sha'pitapona'.  
 Pa'pi tël'huatatona ropatapona'.  
<sup>7</sup> Inimicoro'saso',  
 ahuëchantopiso sontaro'sa  
 pochin ahuëtacaiso marë'  
 ta'apona'.  
 Pairaro'santa nanpëtapona'.  
 Co pëshonponaraihuë', no'të-  
 quën pa'sapi.  
<sup>8</sup> Co niya'tataponaraihuë', a'naya  
 a'naya no'tëquën pa'sapi.  
 Onponta pëchinanquë shinërë  
 tël'yanantapirinahuë',  
 pantërëpiquëranchin pa'sapi.  
<sup>9</sup> Quirosarin ninano ya'contapi.  
 Pairanën aipi ta'arapi.  
 Pëiro'saquë nanpërapapi.  
 Huintanaro'sataquëchin ihuatë  
 pochin pëiquë ya'conapi.  
<sup>10</sup> Ya'ipi isoro'paquë ya'huëpiso-  
 pita pa'yanatona',  
 Sinioro notënanquë ropatapona'.  
 Pi'iro'tënta nacon nacontapon.  
 Pi'i, yoqui, inapitanta tacopiapon.  
 Tayoraro'santa co huachi a'pi-  
 naponhuë'.  
<sup>11</sup> Sinioronta pinën quëran sonta-  
 ronënpita acorahuaton,

- huira pochin chiníquën  
nonsarin.  
Hua'huayátërahuë sontaronën-  
pita ya'huëtërin.  
Natërsinopitaso', co pichichiná-  
chinhuë'.  
Sinioro ana'intiinpoaso tahuëri  
nanihuachin,  
jma huëhuëpirocha nisarin  
paya!  
Ina tahuëri nanihuachin co  
insonta ahuantarinhue'.
- Ya'ipi cancanëna quëran  
Sinioro nontaantacaiso  
marë' pënëninso'**
- <sup>12</sup> Sinioroso nipirinhue', tapon:  
“Ya'ipi cancanëma quëran casá-  
chin chinotoco.  
Ayono nicatoma chiníquën  
nontoco.  
Oshanëma yonquiatoma  
na'nëco',” tënin.
- <sup>13</sup> Sinioro chachin tahuërëtaan-  
taco'. Inaso Yosënënpoa'.  
Co napion sëtohuatamara, moto'  
së'morama'.  
Ina pochin cancantatoma', osha-  
nëma marë' sëtoco'.  
Sinioroso', noyápiachin cancan-  
taton, a'naroáchin yanoso-  
rotërin.  
Co a'naroáchin no'huitërinhuë'.  
Nosoromiatërinpoa'.  
Inaso', co insonta ana'intacaso  
nohuantërinhuë'. Naporin.
- <sup>14</sup> Tapona naporamaso marë'  
Sinioro nosoroápirinquëma-  
huë'.  
Nosoroatëinquëma cosharo',  
huino, inapita  
ina pëinënuquë a'nocamaso  
marë' a'patíápirinquëma-  
huë'.

- <sup>15</sup> Quirosarinquë tronpita pihui-  
toma piyapi'sa ayontonco'.  
Niyontonpachina', ayono nica-  
caiso marë' sha'huico'.
- <sup>16</sup> Ya'ipi Yosë piyapinënpita ayon-  
tonco'.  
Ina camaitërinso nicatoma',  
Sinioro marë' nitapaco'.  
Mashoyaro'sa', paiyaro'sa', hua'-  
huaro'sa',  
sho'shopia'huaro'sa quëran  
huarë', quëina'.  
Nasha nimapisopitanta',  
quëhuënpiso' patoana huëshira-  
huatona', huë'ina'.
- <sup>17</sup> Sinioro marë' sacatopiso' corto  
hua'ano'santa', na'nëina'.  
Yosë pëinën ishpanamën notë-  
nanquë artaro ya'huërinso',  
co aquëyahuë'.  
Ina huáncana huanirahuatona',  
piyapi'sa marë' Sinioro  
nonchina':  
“Piyapinënpita Sinioro tëhuëta-  
tënen oshahuanpiso', inqui-  
tëquë'.  
Piyapinënpitacoi nipiraihuë' co  
catahuahuatancoihuë', a'na-  
pitaso tëhuaponacoi.  
Ama a'napita naciono'sa cana-  
rahuatonacoi, hua'anënchi-  
nacoisohuë'.  
Inapitaco co chinotopirinënhuë',  
canarahuatonacoi:  
‘¿Inata nipachin israiro'sa Yosënë-  
nari catahuarinhue'?’ tosapi,”  
ichina'.

**Israiro'sa noya acoantacaso  
Siniorori sha'huitërinso'**

- <sup>18-19</sup> Sinioro camaitërinso chachin  
corto hua'ano'sari nontohuachinara,  
inaso piyapinënpita nosororinso',  
a'notarin. Inapita nosoroaton itapon:

- “Noyapa'. Naporama ni'quë-  
 huarë',  
 ca nohuanton triconëma noya-  
 taantapon.  
 Oparo'santa huino niantamaso  
 marë', noyataantapon.  
 Oriporo'santa toma ocoyanta-  
 maso marë', ya'huëantapon.  
 Nanirinsó chachin ya'huëtaan-  
 tarinquëma ni'ton,  
 co huachi tanapomahuë'.  
 Co huachi yamoropomahuë'.  
 Inpioro'santa', co huachi tēhuai-  
 nëmaso' ya'huëaponhuë'.  
<sup>20</sup> Norti quëran sëquërë' huë'piso',  
 a'pataranquëma'.  
 Inapoato inotëro parti tē'yata-  
 rahuë.  
 Quëchitopisopitaso', chimirii'  
 marë'pa' inquitarahuë.  
 Piquëran pa'pisopitanta', marë  
 pancai'pa' inquitarahuë.  
 Nonënapitaso' chanatatoná,  
 anahuanapon.  
 Canpita catahua'huanquëmaso  
 marë'  
 huëhuëpiro nininsopita nisa-  
 rahuë,” tēnin.  
<sup>21</sup> Cota huënton no'panënnquë  
 ya'huëpisopita capa cancán-  
 china'.  
 Naporahuatona ama huachi  
 tē'huainasohuë'.  
 Sinioro chachin piyapinënpita  
 catahuacaso marë'  
 huëhuëpiro nininsopita nisarín  
 ni'ton, capa cancantapona'.  
<sup>22</sup> Tanan ma'sharo'sanquëmanta',  
 ama huachi pa'yancosohuë'.  
 Cosharo ya'huëantarín ni'ton,  
 co tana tēpaponquëmahuë'.  
 Pastoro'sa ya'huërinquë pasto  
 pëtötërantapon.  
 Nararo'santa nitaantapon.
- Iquiraro'sa', oparoro'sa', inapi-  
 tanta sacóshin nitaanta-  
 pona'.  
<sup>23</sup> Quirosarinquë ya'huëramasopi-  
 tanta', capa cancantoco'.  
 Ya'ipi Cota huëntonquë ya'huë-  
 ramasopita, noya cancán-  
 toco'.  
 Sinioroso Yosënnëpoa ni'ton,  
 ina yonquiatoma noya  
 cancantoco'.  
 Ina nohuanton nohuantasëhua  
 chachin o'naantarín.  
 Iráca, tahuërinënnquë chachin  
 o'náninsó pochín niaantarín.  
<sup>24</sup> Imin camayoro'sa notohuaro'  
 trico macapona'.  
 Huino, toma', inapitanta noto-  
 huaro' ya'huëtapona'.  
<sup>25</sup> Ina quëran Sinioro taantarín:  
 “Sëquërëro'sa a'patáponquëma',  
 na'a pi'ipi co manta manama-  
 huë'.  
 Inapitaso' sontaro'sa huënton  
 ata'huantacaiso marë'  
 a'papiso pochín carima a'patë-  
 ranquëma'.  
 Ina pi'ipiro'saquë co manta  
 manamasohuë'  
 i'huërëta'huanquëmaso marë'  
 na'con na'con quëtaantapon-  
 quëma'.  
<sup>26-27</sup> Inapotohuatënnquëma', noyá  
 natëaquë huarë' coshata-  
 rama'.  
 Inapoatoma chinotaramaco.  
 Canpita catahua'huanquëmaso  
 marë'  
 huëhuëpiro nininsopita ninahuë  
 ni'ton, chinotaramaco.  
 Inapotohuatënnquëma ya'ipi  
 israiro'sanquëma':  
 ‘Tēhuënnchachín Sinioronën-  
 poaso', Yosë.

Co a'na ya'huërinhuë! ina  
pochin chinotacaso'.  
Inasáchin catahuarinpoa', tosa-  
rama'.  
Naporu quëran huarë' co huachi  
onporonta tapanapomahuë',  
tënin.

**Yosë, ispiritonën  
a'paimacaso sha'huirinso'**

- <sup>28</sup> Naquëranchin Siniro taantarín:  
“Ina tahuëri'sa na'huërinso  
piquëran,  
inspiritonëhuë ya'ipi piyapinë-  
huëpita aya'coancantarahuë.  
Inapotohuato, hui'namapita  
quëmapi'sa', sanapi'sa',  
yonquirahuëso sha'huipona'.  
Mashoyaro'santa hua'natapona'.  
Hui'napi'santa hua'narëso pochín  
a'notërahuëso', ni'sapi.  
<sup>29</sup> Piyapinëma quëmapi'sa',  
sanapi'sa', inapitanta  
inspiritonëhuë aya'coancanta-  
rahuë.  
<sup>30</sup> Ca nohuanton panca ma'sha  
inápaquë ya'norarin.  
Quënanpachina pa'yanapi.  
Isoro'paquënta', piyapi'sa ayon-  
quia'huaso marë' ma'sha  
acoarahuë:  
Huënai', pën, conai tomontë-  
rinso', inapita ni'sapi.  
<sup>31</sup> Pi'inta' tashiarín. Yoquinta',  
huënai pochín nisarín.  
Co'huara ana'inta'huaso tahuëri  
naniyátërasohuë', napoarín.  
Ina tahuëri nanihuachín, pa'pi  
huëhuëpiro nisarín,” tënin.  
<sup>32</sup> Siniro chinotopisopitaso nipi-  
rinhuë', chimirín quëran  
cha'ësapi.

Siniro naporinso chachín  
huayoninsopitaso', cha'ësapi.  
Quirosarin ninanoquë  
cha'ëcaiso ya'huëapon  
ni'ton, napoapi.

**Nisha nisha naciono'sa  
ana'intahuaton, israiro'sa  
noya acoantarínso'**

- 3** <sup>1</sup> Ina quëran Siniro taantarín:  
“Ina tahuëri nanihuachín, Cota  
huëntonquë ya'huëpisopita,  
Quirosarin ninanoquë ya'huëpi-  
sopita, inapitaso  
ya'huëpiquë chachín noya noya  
ya'huëantapona'.  
<sup>2</sup> Ya'ipi naciono'sa ayontona-  
rahuë.  
Ayontonahuato, Cosahuato<sup>a</sup>  
motopiana itopiquë  
tëhuëpiso marë' no'tëquën sha'-  
huitarahuë.  
Israiro'sa napotopiso marë'  
no'tëquën sha'huitarahuë.  
Inapitaso' piyapinëhuëpita nipi-  
rinahuë',  
ya'ipi isoro'paquë ayanquëpi.  
No'panënanta', nipatomatatona  
hua'anëntëra'piapi.  
<sup>3</sup> Piyapinëhuëpita, nicanapiso  
pochín nicatona', nipatoma-  
topi.  
Quëmapia'huaro'sa', sanapia'-  
huaro'sa', inapitanta pa'ana'-  
piapi.  
Ina marë' coriqui mapisopitaso',  
huino pa'anatona i'quipi.  
Monshihuantë sanapi'sarë'  
pocatona', i'quipi,” tënin.  
<sup>4</sup> Naquëranchin Siniro taantarín:  
“Tiro, Siton, Huirístia, inaquë-  
pita ya'huëramaso',

<sup>a</sup> 3.2 *Cosahuatoso'*: Siniro Coisë pochín nisarín, tapon naporín.

- co carinquëma manta onpotë-  
ranquëmahuë'.
- Napoaton co piyapinëhuëpita  
ahuëmaso marë' huëcaca-  
maso ya'huërinhuë'.
- Yai'huëretatomaco napohua-  
tama', ta'chatoma ya'huëco'.
- Nihuihuachinara yama'patopiso  
pochin yanitohuatamaco,  
co manta quëtaranquëmahuë'.
- Ina pochin cancantatoma apipa-  
tamaco,  
a'naroáchin ana'intaranquëma'.
- <sup>5</sup> Canpitaso', pratanëhuë,  
oronëhuë,  
ma'sha pa'ton ya'huëtërinco-  
pita, inapita ihuaramaco.  
Inapita matatomaco, mamanshi-  
nëma  
mosharamaso pëiro'saquë  
acorama'.
- <sup>6</sup> Cota huëntonquë ya'huëpiso-  
pita,  
Quirosarinquë ya'huëpispita,  
inapita masahuatoma',  
áquë quëparama'.  
Inaquë cricoro'sa pa'antërama'.
- <sup>7</sup> Inapotopiramahuë',  
pa'anatoma intohuaso a'parama  
quëran, cari ocoiantarahüë.  
Canpitaso nipirinhuë', ana'inta-  
tënuëma piyapinëhuëpita  
aparisitëramaso pochachin nita-  
ranquëma'.
- <sup>8</sup> Hui'namanta  
quëmapia'huaro'sa', sana-  
pia'huaro'sa',  
inapita Cota huënton israiro'sa  
pa'antatë pochin nitarahuë.  
Inapotohuato, inahuarinta' Sapa  
piyapiro'sa pa'antapona'.  
Inahuaso', inotëro parti ya'huëpi.  
Ca Sinioroco sha'huitaran-  
quëma',” tënin.
- <sup>9</sup> Naquëranchin Sinioro taan-  
tarin:  
“Nisha nisha nacionquë ya'huë-  
pispita sha'huitoco'.  
Sontaro'sa huëntonëna sha'hui-  
toco noyá niaco'ina'.  
Piyapinëhuëpita ahuëcaiso  
marë' noyá niaco'ina'.  
Chiniquën cancantopispita  
përaina'.  
Pa'pi ahuëtön nispispita huë'ina'.
- <sup>10</sup> Nanparo'sa quëran, sahuëni-  
ro'sa oco'ina'.  
Yaquitonano'santa', nansaro'sa  
ataranchina'.  
Sanpatënta nipirinhuë': ‘¡Caso  
chiniquëncó!’ chin.
- <sup>11</sup> Ya'ipi naciono'sanquëma Cota  
huënton ya'yoranamasopita,  
manorahuatoma ahuëtamaso  
marë' huëco'.  
Sano piyapiro'sa quëran huarë'  
ahuëtona'pi tara'in.
- <sup>12</sup> Nisha nisha nacionquë ya'huë-  
ramasopita  
noyá niacorahuatoma', Cosa-  
huato motopianaquë  
pa'maco'.  
Inaquë ya'ipi naciono'sanquëma  
niyontonco'.  
Napohuatama', ca Sinioroco  
coisë pochin nicato  
ma'sona onpota'huanquëmaso'  
no'tëquën sha'huitaran-  
quëma'.
- <sup>13</sup> Canpita yonquirapitënuëma  
naporahuë: Isopitaso', pa'pi  
co noyahuë' cancantopi.  
Ina marë' ca Sinioroco chachin  
trico noyá cayahuachina yaqui-  
rëso pochin nitarahuë.  
Opanta cayahuachina,  
to'poirahuatona huino nipiso  
pochin nitarahuë.

- Inapotahuato, ya'ipi isopita  
ata'huantarahuë, tosa-  
rahuë.
- <sup>14</sup> Pa'pi notohuaro' piyapi'sa ina  
motopianaquë niyontona-  
pona'.
- Naporo' ca Sinioroco ma'sona  
onpotacaiso' sha'huipo.
- Nani ana'inta'huaso tahuëri  
naniriarin ni'ton, napoa-  
rahuë.
- <sup>15</sup> Ina tahuëri nanihuachin, pi'i  
tashiapon.
- Yoqui, tayoraro'sa, inapitanta',  
co huachi a'pinaponahuë'.
- <sup>16</sup> Quirosarin quëran ca Sinioroco  
camaitato,  
huira tënëntërinso pochin nisa-  
rahuë.
- Ya'ipi isoro'pa' nacon nacon-  
tapon.
- Pi'iro'tënta nacon nacontapon.
- Israiro'saso nipirinhuë', piyapi-  
nëhuëpita ni'ton,  
cari chachin noya pa'poyapo.
- <sup>17</sup> Naporo' canpitaso  
israiro'sanquëma':  
'Tëhuëenchachin Sinioroso',  
Yosënënpoa', tosamama'.  
Quirosarinso huayonahuë  
ni'ton, inaquë ya'huëapo  
huachi.
- Naporo' inaquëso', noyasáchin  
nicapona'.
- Co huachi nisharo'sari minsëa-  
ponhuë'.
- <sup>18</sup> Cota huënton inimiconënpita  
ana'intërahuëso piquëran,  
pa'pi notohuaro' oparoro'sa  
ya'huëapon.

- Napoaton huino sacóshin nica-  
pona'.
- Pastoro'santa' noya noyatapon  
ni'ton,  
ohuacaro'sa notohuaro' sho'-  
shoi' matapi.
- Motopiro'sa', motopia'huaro'sa',  
inaquëpita i'sharo'sa pa'irin.
- Ina pa'irinso pochin huino, sho'-  
shoi', inapita ya'huëapon.
- I'sharo'santa Cota huënton  
no'panënuë ya'huërinso',  
panca pancairo'sa nicapona'.
- Chinotërinacoso pëiquë  
chachin, no'pa quëran i'sha  
pipipon.
- Inaso' pancaitahuaton, Sitin  
motopiana itopiso', pa'tapon.
- <sup>19</sup> Iquipitiro'sa no'panënaso nipi-  
rinhuë', ta'huantapon.
- Itomoro'sa no'panënantá',  
inotëro taranapon.
- Inapitaso', Cota huëntonquë  
ya'huëpisopita ahuëpi ni'ton,  
napoapi.
- Ya'huëpiso no'paquë chachin  
co manta onpopirinahuë', tēpa-  
piso marë' napoapi.
- <sup>20-21</sup> Inapopiso marë', cari i'huërëta-  
rahuë.
- A'napita ma'sha onpotatona  
na'inpisopitaso', co nicha'ë-  
pohuë'.
- Quirosarinquë, Cota huënton  
ninanoro'saquë,  
inaquëpitaso nipirinhuë',  
israiro'sa ya'huërápóna'.
- Caso Sinioroco, Quirosarin  
ninanokuë ya'huëápo,"  
tënin.